



"REGIONALNA DEPONIJIA MOŠĆANICA" d.o.o. ZENICA
Mošćanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: deponija@rdm.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Broj: 02-732/25
Zenica: 05.12.2025. godine

Na osnovu člana 69. stav 2. tačka e) i člana 70., stav (1) i (4) Zakona o javnim nabavkama („Službeni glasnik BiH“, broj 39/14, 59/22 i 50/24), člana 35. Statuta Privrednog društva "REGIONALNA DEPONIJIA MOŠĆANICA" d.o.o. Zenica a na preporuku Komisije za javnu nabavku, imenovane Odlukom, broj: 02-673/25 od 06.11.2025. godine u otvorenom postupku nabavke " **Defektaža i zamjena motorića prednjih brisača i separatora vode na mašini Kompaktor CAT**", direktor Privrednog društva "REGIONALNA DEPONIJIA MOŠĆANICA" d.o.o. Zenica (u daljem tekstu: Ugovorni organ) donio je:

O D L U K U
o poništenju postupka javne nabavke za
„Defektažu i zamjenu motorića prednjih brisača i separatora vode na mašini
Kompaktor CAT“

Član 1.

Prihvata se preporuka Komisije za javnu nabavku, broj: 02-731/25 od 05.12.2025. godine i poništava se postupak javne nabavke za Defektažu i zamjenu motorića prednjih brisača i separatora vode na mašini Kompaktor CAT zbog činjenice da je pristigla jedna ponuda u natječaju a koja je viša od procijenjene vrijednosti nabavke.

Član 2.

Ova Odluka objaviti će se na web-stranici Ugovornog organa (www.rdm.ba) istovremeno sa upućivanjem primjerka Odluke ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova Odluka stupa na snagu danom donošenja.

O b r a z l o ž e n j e

Postupak javne nabavke Defektaža i zamjena motorića prednjih brisača i separatora vode na mašini Kompaktor CAT za potrebe Ugovornog organa pokrenut je Odlukom o pokretanju postupka javne nabavke, broj: 02-672/25 od 06.11.2025. godine. Javna nabavka je izmjenom plana nabavke uvrštena u Planu javnih nabavki za 2025. godinu i evidentirana je u prečišćenom tekstu pod rednim brojem 36. procijenjena ukupna vrijednost javne nabavke je 4.743,26 KM bez PDV-a.

Javna nabavka je provedena otvorenim postupkom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude. Dana, 14.11.2025. godine na portalu javnih nabavki (www.ejn.gov.ba) je objavljeno Obavještenje o nabavci, broj: 362-1-1-369-3-27/25.

Komisija za javnu nabavku imenovana je Odlukom direktora Ugovornog organa, broj: 02-673/25 od 06.11.2025. godine.

Dana, 05.12.2025. godine Komisija za javnu nabavku dostavila je Zapisnik o ocjeni ponuda, broj: 02-731/25 od 05.12.2025. godine u postupku javne nabavke "Defektaža i zamjena motorića prednjih brisača i separatora vode na mašini Kompaktor CAT".

U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Na osnovu toga, utvrđeno je sljedeće:

- da je ukupno dostavljena jedna (1) ponuda,
- da je blagovremeno zaprimljena jedna (1) ponuda,
- da nije bilo neblagovremeno zaprimljenih ponuda,

Komisija je utvrdila da je cijena ponuđača TEKNOXGROUP BH d.o.o. TEKNOXGROUP BH Ltd., viša od procijenjene vrijednosti za predmetnu javnu nabavku. Naime, procijenjena vrijednost nabavke je 4.743,26 KM bez PDV-a, dok je cijena koja je dostavljena u ponudi u iznosu od 4.743,30 KM bez PDV-a.

U skladu sa članom 2. stav 1. tačka 1) pod 2) Zakona o javnim nabavkama ovakva ponuda se smatra neprihvatljivom te se odbacuje a obzirom da je to jedina ponuda u natječaju postupak nabavke se poništava.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 69. stav 2. tačka e), a u vezi sa 2. stav 1. tačka 1) pod 2) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema Odluke.



Direktor

Mia Pojskić, dipl.oec.,cr.cir.

Dostaviti:

1x Ponuđaču: TEKNOXGROUP BH d.o.o. TEKNOXGROUP BH Ltd.

1x a/a